

## Nwàk Nè Mantombi nè JON à Còom

*Jon à còm nwàk ènə nga bwìŋ sə yə'rə də bum sè aco nwè ye bə lis, nə jweŋ bə bo pwe'fo' bɔp. Wo sə dɔk də bum sè bəboŋ mègù sè yà'a ma nè ndzənə yòŋsə. Fana nwèe kà də yi sə dɔk də mɔ gù-a ve' yà' ye bɔp kè bəboŋ dɔk, bɔsə bum pwe' sè yi sə gù bə ni' ye yəyərə. Mɔmvè'nə wo à tse' nsàp tsətsərə ànə fana wo sə dɔk də ànə ka yeŋ co Jisòs mo Nwì tse' ngùpni' yeŋ.*

*Jon com ngòcèp cāsə bum ba: də bwìŋ cum cù mò'fis bə Nwì nə ye bə mo ye Jisos Krest. Yi còm sè' də bwìŋ jəŋ nkərə bə bum sè mɔwès sè bɔm mok sə yə'rə ke' yà'a bɔsə yà'a nə gu bɔpsə ncu nè cù mò'fis ènə. Yi sə tsok mali fa wo də Jisòs à ye nwè bə nè zìnə, nə ye də nwè nè nà' dzəm-a Nwì fana nà' tse' ngògì gì nè nà' tse' mareŋ nja.*

### *Ncèp Nè Nà' Tse' Lùŋ Nə*

<sup>1</sup> Yumòk à ye to ye fo' nè mù à yuk nà', nə ye nà' bə lis am, nə jweŋ nà' bə bo sè'. Yu ànə a Ncèp nè nà'a lùŋ nə, nga nà'a Jisòs mo Nwì.

<sup>2</sup> Lùŋ nə ànə yəəŋ, fana vès ye yi, nə sə tsè' fa-à nə weŋ bə nzak lùŋ nè nà'a nè kà mè, nè nà' à ye to ntòbə tè' Nwì nkun vès ye nà' nə.

<sup>3</sup> Vès sə tsè' fa weŋ bum sè vès à yə, nə yuk yè'sə, ya nga wèeŋ cum ncù mò'fis vesùwèŋ. Vès cum cù mò'fis ves Tà Nwì nə ye mo ye Jisòs Krest wèŋ.

<sup>4</sup> Njo nè vès còm bum yè'sə də ya kwəkwa nè vesùwèŋ nə yam tsə'rə wesə bə̀boŋ.

### *Sə Gi Sənə Mareŋ Bəsə Nwii Mareŋ*

<sup>5</sup> Ncèp nè vès à yuk bohòmo ye, nə sə tsə' fa-à nə wèŋ nə də, Nwii rərəŋ co mareŋ, yi ka ŋgà ndzəndzəm ye lok saam.

<sup>6</sup> A ye-a ŋga vesùwèŋ duk də, ves Nwi wèŋ cu cù mò'fis, nə sə gi sənə mandzəm, fana ye də yusə vesùwèŋ sə cèp, nə sə gə sə pwe'fo' m̀vwès.

<sup>7</sup> Vesùwèŋ gi-a sənə mareŋ, m̀m̀vè'nè yi sè' sənə mareŋ, ye də vesùwèŋ m̀vwe' mò'fis. Jisòs mo ye sə cùk rəŋsə fis fa ves bəp avès bə nduəm ye.

<sup>8</sup> A ye-a ŋga vesùwèŋ duk-a də a ka ŋgàa gù bəp yeŋ, ye də vesùwèŋ sə bòrə ni' avès, vesùwèŋ ka zìnə nə riŋ lok nè m̀vèsə.

<sup>9</sup> A ye-a ŋga vesùwèŋ gù bəp, nə dzəm fis kè cùhu vès, fana yi ŋwè nè zìnə, yi nə ye sè' kèkərè ŋgòswi fa ves, nə cuk rəŋsə fis fa ves bəp avès sə.

<sup>10</sup> A ye-a ŋga vesùwèŋ duk də, a ka bəp gə, ye də vesùwèŋ sə duk yà'sə də yi ŋgà ci' m̀vwès. Ye də ncèp ye nə ka sə ntùè vès yeŋ.

## 2

<sup>1</sup> Bwe am wèŋ, m̀à sə còm fa weŋ bum yè'e də ya wèŋ kà bəp gù. A ye-a ŋga ŋwè nəmòk gù-a bəp, Jisòs Krəst cu yo nè yi nə təəŋ mantombii Tè' avès Nwi, nə ləŋ fa nà'. Yi ye ŋwè nè yi kèkərè.

<sup>2</sup> Jisòos co yu cop nzak bohòNwì ya yi swifa ves fèŋ avès. Yi ka yu cop nzak bohòvesùwèŋ mэгù, yi bohònzenḡòŋ nè pwe'fo'.

<sup>3</sup> Yusè aco yà' niŋtsok də vesùwèŋ rì Nwì, a ŋga vesùwèŋ sə nonḡsə-a ncèp ye nè na.

<sup>4</sup> Nwè nəmòk duk-a də yi rì Nwì, nè kà yusè Nwì sə duk ḡù, fana ye də ŋḡèŋḡàaŋ ye ŋḡà cì' mvwès. Yi ka zìnə nè Nwì nè riŋ lok nè mvèsè.

<sup>5</sup> Nwè nè yi ḡùḡè-a yusè Nwì də yi ḡù fana nà'a yi nè yi dzəm Nwì bə ntəm ye pwe'fo' nè. Nà'a mandzè nè aco vesùwèŋ riŋ də a cu ndzə ni'ì Nwì zìnə.

<sup>6</sup> Nwè nè yi duk-a də yi bə Nwì mvwe' mò'fis fana yi tse' ŋḡòḡì nsàp ḡì nè Jisos Krest à ḡì.

### *Dzəm Moma Yo Bwèrɛ Wù Kà Mareŋ Nə Tse'*

<sup>7</sup> Nḡe' am wèŋ, yusè mù sə còm fa wen yè'e, ka yumok sə fi yeŋ, yà' mэгù yusè zəm sə wèŋ ànə riŋ yà' mantombì fa' sə. Yusè zəm yè'sə, a ncèp nè wèŋ ànə yuk me nà' laŋ nè.

<sup>8</sup> A ye-a sə vɛ'nə fana yusè mù sə còm fa wen yè'sə sə fi sè'. Yu ànə à yəəŋ bə nsàp ncu Jisòs, nè ye bə nè njàwèŋ sè'. Nà'a nè fi bəusè ndzəm sə cà gesè lòfana mareŋ nè zìnə sə yè ŋḡòrɛŋ vèə.

<sup>9</sup> A ye-a ŋga nwè nəmòk duk-a də yi cu mvwe' mareŋ, nè sə beŋ mali moma ye fana ye də ŋḡèŋḡàŋ cu mali ŋga'a ntòsənə mandzəm.

<sup>10</sup> A sè' zìnə də nwè nè yi dzəm-a moma ye fana ye də yi cu sənə mareŋ. Yumok ka bohòyi co yi ḡbɛ yeŋ.

11 Fana mamòk nè sè' dè ηwè nè yi bèη-a moma ye, ye dè yi cu sənə ndzəm, nè sə jam kè' ca, bùusè mandzəm lok yi lis laη.

*Kà Nzenḡòη KòBwèε KèkòNwì Ka Sə Ntuè Wù Yeη*

12 Bwe am wèη, mù sə còm fa weη ηwàk nè'e bùusè wèη a tse' sèswifa bæ bup awèη mənkwèη liη Jisòs Krest.

13 Mù sə còm fa weη tè' bùusè wèη rì yi nè yi ànə ye ηga nzenḡòη ka ntòyeto nə. Weη wàhabwìη, mù sə còm fa weη bùusè wèη a ghak ηkum ηgà gù bup nə laη.

14 Weη bwe am, mù sə còm fa weη bum yè'e bùusè wèη rì tè' àvès Nwì. Mù sə còm fa weη tè' bùusè wèη rì yi nè yi ànə ye ηga nzenḡòη ka ntòyeto nə. Mù sə còm fa weη wàhabwìη bùusè wèη tse' ηàη. Ncèp nè Nwì cu sə ntuè wèη, fana wèη ghak ηkum ηgà gù bup nə.

15 Kà dè wèη dzəm nzenḡòη bæ bum sè nzenḡòη nə tse' sè' duk. Bùsè wèη dzəm-a nzenḡòη, ye dè dzədzəm nè tè' àvès ka sə ntuè wèη yeη.

16 Bum sè nzenḡòη nə tse' pwe', a bum sè ηgùpni' sə dzəm yà', bum sè co bwìη yəgè yà', nè sə waη yà' dè wo dzəm ηgòtse' yà', nè ye yusè bwìη nègè ni' bæ zeη sə nzenḡòη fεη pwe'fo'. Mòk ka yu nè nà' vè bohòTè' yeη, yà' mègù lòoη sè sə nze fεη.

17 Nzenḡòη nə sə cà lòcàa, nà' sə cà lòbè bum sè yà'a ca sè bwìη dzəmgè yà' sə pwe'. Fana ηwè

nè yi sə gù-a ye yusè Nwì dzəm, yi nè cu mam maligè fo'.

### *Wèeη Kərə Bə Bùu Sə Wo Bèηgè Krèst*

<sup>18</sup> Bwe am wèη, nzeηgòη nə kəəp ηgòmèe. Tsərə tse' mvè'nè wo ànə tsok weη duk də nzeηgòoη kəəp ηgòmè fana ηwè nè yi bèηgè Krèst nə nə və. Nsàap bùu yà'sə a vè ηkùuηntèη laη. Fana aco vesùwèη riη də nzeηgòη nə kəəp ηgòmè laη.

<sup>19</sup> Bùu yè'sə a tesə lògesə mʉtsətsə'rə vès bùusè wo à ka ηkùp ma nè njàvès yeη. Wo ànə yeη-a ηkùp ma njàvès bwèrè də wo à ka tesə lò. Wo a tesə lòvè'nə fana yà' ni tsok jəja də wo ka ηkùp ma nè njàvesùwèη yeη.

<sup>20</sup> Wèeη yàwèη bùu sè Jisòs Krèst a sè wèη, nə fa weη Yòηsè nè Rərəη nə fana wèη rì yàwèη zìnə nə laη.

<sup>21</sup> Njo nè mù sə còm fa weη nə, ka də a bùusè wèη ka zìnə nə riη yeη. A bùusè wèη rì zìnə nə, nə riη sè' duk də kaco mvwès tesə yuk ndzənə zìnə yeη.

<sup>22</sup> A ye-a mʉmvè' ànə zìnə, ye də ηgà cì' mvwèes yè'sə ndà? A ndàaηwè pwe' nè yi bèη də Jisòs ka ηkum ηgà gèm bwìη nè Nwì à tum vèsə sə nze nə yeη. Nwè nè yi dzèeη-a nà' vè'nə ye də nà'a ηwè nè yi ηgà bèη mo Nwì bə tè' ye nə sè'.

<sup>23</sup> Mù sə duk yè'sə duk də ηwè nè yi dzèeη-a mo ye nə, yi ka bə tè'ε nà'nə yeη. Ye də ηwè nè yi dzəm-a mo ye nə, yi tse' tè' nə sè'.

24 Wèen rin tse' pap də wèen kotse' ncèp nè wèn à yuk to mantombi nà'a sə ntuu wèn cùk. Bum sə wèn ànə yuk to yè'sə cu-a sə ntuu wèn, ye də wèen nə cum mali mvwe' mò'fis wen mo nə, nə ye tè' nə.

25 Tsərə tse' də Jisòs Krest à kà' nònşə lòfa vès lùŋ nè nà'a nè kà mè nə.

26 Mù còm fa wen yà'a bə mandzè bùu sə wo sə làp ngòbòrə wen.

27 Wèen yàwèn bùu sə Jisòs Krest a sə wèn bə yònşə nè nje, nà' cu sə ntuu wèn. Nà'a njo nè wèn ka tse' ngòlàp ñwè nəmòk ngòyərə wen tse' nə, bùusè yònşə ànə sə yərə wen ngòrì bum pwe'. Yusè Yònşə nə sə yərə wen sə, yà'a zìnə, mvwès ka nja yen. Nà'a njo nè mù sə duk wen də wèen cum mali wen Jisòs mùm vè'nè Yònşə nə sə yərə fa wen.

28 Bwe am wèn, mù sə duk fe'lə sèmok də wèen təen mali ndzə ni'i Jisòs, ya nga numbu nè yi bwì foho vèə, vesùwèn ye bə kwəkwa, a kà də a swihi lis bə marè'tu duk.

29 Wèn ri də Jisòs ñwè nè kəkurè. Aco wèn rin tse' sè' də ndaanwè pwe' nè yi gùgè bum kəkurè fana ye də yi mo Nwì.

### 3

#### *Nwè Nè Yi Mo Nwì Zìnə*

#### *Kà Bup Gùhùgè*

1 Kùk ja'a na yòo ma nsàp dzədzəm nè Tè' nə tse' bohòvesùwèn-ε. Yi dzəm ves vε'ε tètè nə to fa ves lìn də vesùwèn bwe Nwì, nga a zìnə də vesùwèn bwe Nwì anə. Njo nè bùu sə sə

nzenḡòḡ kà vesùwèḡ rìḡè, a bùusè wo ka tè' àvès Nwì sè' rìḡ.

<sup>2</sup> Nḡe' am wèḡ, vesùwèèḡ ḡḡa'a yè'e bwe Nwì. A ka nsàp bù nè vesùwèèḡ nè kè bùḡḡ nùu, ntòrèḡ tsè'rè. Yu nè mò'fis nè a rì nè dè, nùmbu nè Jisòs vèè, vesùwèèḡ nè ye co yi, bùusè a nè ye yi bə lis kwarḡḡḡ məm̀vè'nè yi cu sè.

<sup>3</sup> Nwè nè yi tse'-a nsàp naḡ tu ènè sè ntùè yi sè nòḡsè ni' ye rərəḡ njàḡ m̀vè'nè Jisòs ye sè' rərəḡ njàḡ sè.

<sup>4</sup> Nwè nè yi ḡḡè-a bup, ye dè yi ḡḡ bupsè lùk nè Nwì, bùusè yusè wo togè yà' dè bup sè, a ḡḡkà lùk Nwì nòḡsè.

<sup>5</sup> Wèḡ rì dè njo nè Jisòs Krest à vè sè nze fèn, a ḡḡjè lòbup avès. Yi ka ye bup ndzè ni' yi tse' lok nè kè' mò'fis.

<sup>6</sup> Ye dè ḡwè nè yi cu ndzè ni' Jisòs Krest kà bup ḡḡḡè. Nwè nè yi ḡḡ malìḡè-a bup ye dè ḡwè ànè ka nà' ntòye yuk, nè kà nà' sè' rì lok fùk.

<sup>7</sup> Bwe am, ḡwè nəm̀òok kà wèḡ bòrè. Nwè nè yi ḡḡḡè bum kèkùrè pwe', ḡwè ànè yi kèkùrè m̀vèsè Jisòs Krest sè' kèkùrè sè.

<sup>8</sup> Nwè nè yi ḡḡè-a bup, ye dè yi mo Satà. Bùsè Satà cu ye ḡḡ ḡḡ bup, m̀vè'nè à yèto yèè. Njo nè Jisòs mo Nwì à vè sè nzenḡòḡ fèn, dè ya yi kè ḡḡ bupsè fàak sè Satà sè ḡḡ pwe'.

<sup>9</sup> Nwè nè yi mo Nwì bə nè zìnè, yi kà bup ḡḡḡè. Bùsè yi tse' mok nsàp ntəm̀ nè Nwì, fana kaco yi ḡḡ bup yeḡ.

<sup>10</sup> Yusè yà' sè nìtsè' zəzok nè nà' cu m̀tsətsə'rèè bwe Nwì nè ye bwe sè Satà sè yè'.

Ŋwè nè yi kà bèbon ɔ̀gè, ye dè ɔ̀gèngàŋ ka mo Nwì yeŋ. Ŋwè nè yi kà dzədzəm bohòmoma ye tse'gè, ye dè yi ka mo Nwì sè' yeŋ.

*Ŋwè Nè Yi Tse' Lùŋ Zinè Kà Moma Ye Bèŋgè*

<sup>11</sup> Ncèp nè wèŋ ànə yuk to mantombi nè nè' dè, wèŋ dzəm mòk bə mòk.

<sup>12</sup> A kà nsàp ntəm nè Ken, nè yi à ye ɔ̀wəə Satà à tse', nè zə moma ye nè bə nà' à ye vəm mò'fis nà'a tse'. Ken nè à zə moma ye nè yè'sə bùu yà? Yi à zə nà' bùusè nà' à sə ɔ̀ gù yusè yà'a kəkàrè fana yi sə ɔ̀ ye bup.

<sup>13</sup> Yè'sə ànə ye-a ve'nə, ye dè a ye-a ɔ̀ga nzeŋgòn nè bèŋ-a weŋ sè' fana wèŋ kà dè wèŋ mərə dè a ve'nə bùu yà lɛ duk.

<sup>14</sup> Vesùwèŋ rì yàvès dè a cà tesə ndzə bohò kpɔ̀ laŋ, a cu mok mvwe' lùŋ. Vesùwèŋ rì dè yè'sə zinè bùusè vesùwèŋ tse' dzədzəm bohòbwema avès. A yà'a mok jəja dè ɔ̀wè nè yi ka moma ye dzəm, ye dè yi cu malì ntòndzə bohòkpɔ̀.

<sup>15</sup> Ŋwè nè yi sə bèŋ-a moma ye, ye dè yi ɔ̀gà zə bwìŋ. Wèŋ rì sè' dè ɔ̀gà zə bwìŋ ka lùŋ nè nà'a nè kà mè nè tse' lok.

<sup>16</sup> Ye'e mɔ̀mvè'nè aco a rì tse' dzədzəm sə, dè Jisòs Krèst à fa tu ye bohòvès. Ye dè aco a fa tu avès bohòbwema avès sè'.

<sup>17</sup> A ye-a ɔ̀ga ɔ̀wè nəmòk tse' bum, nè ye moma ye ɔ̀ga nà' ka yumok tse', yi kà manziŋ ɔ̀gòtesə nà' tse', yà'sə ni tsok dè yi ka dzədzəm nè Nwì fagè ɔ̀wè ɔ̀gòdzəm moma ye sə ntɔ̀u yi tse'.

<sup>18</sup> Bwe am wèŋ, bum yè'sə ye-a mɔ̀mvèk ènə fana bon dè kà dè vesùwèŋ sə dɔ̀hɔ̀ mègù bə



cù duk də vesùwèŋ tse' dzədzəm duk. Vesùwèen sə niŋtsok dzədzəm nè zìnə ya lis ye sè'.

<sup>19</sup> A yà'a zeŋ sè aco yà' niŋtsok fa vesùwèŋ də a ma nè zìnə nə. A sè' zeŋ nè aco nà' gu ves a ko to ntəm kù mantombii Nwì,

<sup>20</sup> ŋga ntəm avès sə sak-a ves, də vesùwèen bùu sè bup. A sə rì də Nwì yam ghak ntəm avès, nə riŋ bum pwe' sè'.

<sup>21</sup> Ŋge' am wèŋ, a ye-a ŋga ntəm avès sə kà ves sak, ye də aco vesùwèŋ təeŋ li kù mantombii Nwì, nə kà wəp.

<sup>22</sup> Fana yusè vesùwèŋ fek-a yi, vesùwèŋ tse' yà', bùusè vesùwèŋ sə nòŋsə lùuk ye, nə sə gu yusè yà' sə bòyi.

<sup>23</sup> Lùk ye nə də ve', də vesùwèen dzəm bohòmo ye Jisòs Krest, nə dzəm mòk bə mòk mvè'nè Jisòs à duk.

<sup>24</sup> Ŋwè nè yi nòŋsəgè-a lùuk sè Nwì fana ye də yi cu ndzə ni'ì Nwì, Nwì cum bwi ndzə ni'ì yi sè'. Nè'e mandzè nè aco vesùwèŋ rì də Nwì cu vesiwèŋ, a bùu yòŋsə nje nè yi a fa ves nə.

## 4

### *Mùmsə Ja'a Yòŋsəə Sə Ŋkuŋ Nə Dzəm Yà'*

<sup>1</sup> Ŋge' am wèŋ, kà də wèen yàaŋ dzəm fa ndaaŋwè pwe' nè yi duk də yi tse' Yòŋsə Nwì duk. A bèboŋ ŋgò mùmsə ja'a də yi tse' Yòŋsə Nwì anə zìnə àlɛ. Bùsè bù ŋgàa tsòhòmvwèes sə nzeŋgòŋ anə ŋkùuŋntèŋ sè wo sə duk də wo sə tsòho ncèp nè Nwì nə.

<sup>2</sup> Mandzè nè aco wèŋ riŋ də yi tse' Yòŋsə Nwì àlɛ' ve': ŋwè nè yi cèp tosə fis-a jəja də Jisòs

Krɛst à vè sɛ nze bɛ ɲɔ̀pni' laɲ fana ye dɛ yi tse' Yòɲsɛ Nwì.

<sup>3</sup> Fana ɲwè nè yi duk-a ye dɛ Jisòs à ka bɛ ɲɔ̀pni' sɛ nze vɛ, ye dɛ yi ka Yòɲsɛ Nwì tse'. ɲwè ànɛ tse' yà'sɛ yòɲsɛ ɲwè nè yi bèɲgɛ Jisòs, nè wèɲ à yuk duk dɛ yi nè kè vè sɛ nze fɛɲ nɛ. Mù tsè' wèɲ bɛ zìnɛ dɛ yi ɲga'a sɛ nzeɲgòn anɛ.

<sup>4</sup> Bwe am wèɲ, wèɲ yàwèɲ bwe Nwì, wèɲ a gha' ɲgàa cì' mɔ̀wès sɛ laɲ, bùusɛ yòɲsɛ nè nà'a sɛ ntuu wèɲ gu ghak yòɲsɛ nè sɛ nze nɛ.

<sup>5</sup> ɲgàa tsòhòkɛ' mɔ̀wès yà'sɛ yàwo bùu nzeɲgòn, ye dɛ yusɛ wo sɛ cèp pwe' mègù bum nzeɲgòn. Fana bùu sɛ sɛnɛ nzeɲgòn sɛ sɛ yu'rɛ fa wo.

<sup>6</sup> Vesùwèɲ yàvès bwe Nwì. Bùu sɛ wo rì Nwì yu'rɛgè yàwo bohòvès. ɲwè nè yi ka-a mo Nwì yeɲ, yi kà bohòvès yu'rɛgè. Nà'a mandzè nè aco vesùwèɲ riɲ dɛ ɲwè tse' yòɲsɛ nè zìnɛ kè yòɲsɛ nè mɔ̀wès àlɛ' nɛ.

### *ɲwè Nè Yi Dzɛm-a Bwìɲ Ye Dɛ Yi Mo Nwì*

<sup>7</sup> ɲge' am wèɲ, bòdɛ vesùwèɲ dzɛm mòk bɛ mòk. Nwì gùgè yi ɲkuɲ vesùwèɲ riɲ mɔ̀vè'nɛ a dzɛm bwìɲ, ye dɛ ɲwè nè yi dzɛm-a bwìɲ, yà' sɛ tsok dɛ yi mo Nwì, yi rì Nwì sè'.

<sup>8</sup> ɲwè nè yi kà bwìɲ dzɛmgè, ye dɛ yi ka Nwì riɲ, bùusɛ Nwì mègù ye sɛ dzɛdzɛm.

<sup>9</sup> Mandzè nè Nwì a nì tsè' fa ves dɛ yi dzɛm ves nɛ vɛ'; yi à tumsɛ fa vesùwèɲ kwè'rè mo ye sɛ nzeɲgòn dɛ ya vesùwèɲ tse' lùɲ ɲkwèɛɲ yi.

<sup>10</sup> Ka dɛ vesùwèɲ à dzɛm to yi vès yeɲ, Nwì ànɛ dzɛm to ves yi ɲkuɲ, nɛ tumsɛ fa ves mo ye

co yu cop nzak bə fɛŋ avès. Yà'a nìtsè' dzədzəm nè nà'a zìnə nə.

<sup>11</sup> Nge' am wèŋ, wèŋ ye-na yàwèŋ sè', Nwì dzəm-a vesùwèŋ məm̀vək ènə, a kà ni' avès dzəm à?

<sup>12</sup> Nwè nəm̀òk ka Nwì bə lis ntòye yuk, megu də vesùwèŋ dzəm-a mòk bə mòk, ye də Nwì cu ndzə ni'ì vès, fana dzədzəm nè nje nə gəŋ wesə ndzə ni'ì vès anə.

<sup>13</sup> Yusè aco yà' gù vès rì də a cu ves Nwì mwwe' mò'fis, Nwì ye bwi vesiwèŋ sè', a bùsè yi a fa ves Yòŋsè ye sə ntùè vès.

<sup>14</sup> Vès a yə bə lis avès də Tè' a tumsə vèsə mo ye də nà'a və kə luŋsə bùu sè sə nzeŋgòn. Vès nə sə tsè' fa-à nə bwìŋ də yu yè'sə zìnə.

<sup>15</sup> Yusə də, a ye-a sè ndà pwe' nè yi cèp fis dək də Jisòs Krèst mo Nwì, ye də Nwì cu ndzə ni'ì ŋwè ànə, yi cum bwi ndzə ni'ì Nwì sè'.

<sup>16</sup> Vesùwèŋ a riŋ məm̀vè'nè Nwì dzəm ves zìnə ŋkuŋ nə fa ntəm avès fo' lònŋfo'.

Nwì mègù ye dzədzəm. Nwè nè yi tse'gè-a dzədzəm, ye də yi cu ndzə ni'ì Nwì, Nwì cum bwi ndzə ni'ì yi sè'.

<sup>17</sup> A ye-a nga dzədzəm nè Nwì cu sə ntùè vès dak, fana nùmbu nè Nwii sak ves, vesùwèŋ təŋ, nə kà wə tse'. Bùsè mandzè avès nè sə nzeŋgòn fɛŋ nà'a co nè Jisòs Krèst.

<sup>18</sup> Yusə də, wə ka ndzənə dzədzəm yeŋ. Dzədzəm cu-a sə ntùè vès dak, fana yi bɛ' fis gɛsə wə pwe'fo'. Fàha wə mègù ŋgòwəp ŋgə' nè də ŋwè gbù nzak. Ye də ŋwè nè yi tse'-a wə

sə ntua̱ yi, ye də yi ka dzədzəm nè Nwì sə ntua̱ yi dak tse'.

<sup>19</sup> Vesùwèŋ tse' dzədzəm sə ntua̱ vès, nə ye bohòNwì sè' bùusè Nwì à tse' to dzədzəm bohòvès yi.

<sup>20</sup> Nwè nəmòk duk-a də yi dzəm Nwì, nə sə beŋ moma ye, ye də nwè ànə ngà cì' mwès. Busè nwè ka-a moma ye nè yi yəgè nà' bə lis dzəm, mandzè nè co yi nə dzəm Nwì nè yi ka nà' ye yuk nə bùè.

<sup>21</sup> Lùk nè Nwì à nòŋsə nə də, nwè nè yi duk-a də yi dzəm Nwì, yi dzəm moma ye sè'.

## 5

### *Bwe Nwì Wèŋ Tse' Nàaŋ Sè NgòGhak Nzenğòŋ Bə Zeŋ*

<sup>1</sup> Yumook yè' də, nwè nè yi dzəm-a də Jisòs Krèst ŋkum ngà gèm bwìŋ nè Nwì à də yi nə tum vesə sə nzenğòŋ nə fana, ye də nwè ànə mo Nwì. Nwè nè yi dzəm-a tè' mwe, ye də yi dzəm mo nà'nə.

<sup>2</sup> Aco vès rì tse' duk də vesùwèŋ dzəm bwe Nwì, nga vesùwèŋ dzəm-a yi, nə sə nòŋsə lùk ye na.

<sup>3</sup> Mù sə duk yè'sə də, a ye-a nga vesùwèŋ sə nòŋsə lùk Nwì, yà' ye yà'sə də vesùwèŋ sə dzəm yi. Yusè yi sə duk də vesùwèŋ gə sə, yà' ka gəgəŋ yeŋ,

<sup>4</sup> bùusè bwe Nwì pwe'fo' tse' nàaŋ sè ngògha' nzenğòŋ nə bə zeŋ. Mvè'nè vesùwèŋ sə fa ntum avès bohòJisòs, a yà'sə mandzè nè aco vesùwèŋ ghak nzenğòŋ nə bə zeŋ.

<sup>5</sup> Yà'sə sə tsè' də ɲwè nè aco yi ghak nzenḡon nə, a ɲwè nè yi dzəm də Jisòos mo Nwì.

*Mandzə Tɛ' Sə  
Aco A Riŋ Jisòs Bə Zeŋ*

<sup>6</sup> Mvè'nè Jisòs Krɛst à vè sə nzenḡon fɛn, yi à cà sə ndzəpə, nə ca ndzənə nduəm. Yi à ka sə ndzəpə ca megu, yi à cà ndzənə nduəm sè'. Yu səmook sè' də Yòŋsè nè Rərəŋ nə nitsè' fagè ves nsàp ɲwè nè Jisòs cu nə. A dzəm yusè yi cèpgè sə, bùusè yi cèp mègù zìnə.

<sup>7</sup> Ye də vès tse' mandzə tɛ' sè yà' sə nitsè' də Jisòos mo Nwì.

<sup>8</sup> Mandzəə sè tɛ' yà'sə, mòok Yòŋsè nè Rərəŋ nə, mòk ye ndzəp, mòk ye nduəm. Bum sè tɛ' yè'sə wo pwe'fo' cu cù mò'fis.

<sup>9</sup> A ye-a ɲga bùu sè wà tsè' də wo a yə yumok, fana vesùwèŋ sə dzəm fa wo nta ɲga'a Nwì nè yi ghak bwìŋ à? Yà'a məm̀vè'nè yi tsè' fa ves də mo ye cu sə.

<sup>10</sup> ɲwè nè yi dzəm-a də Jisòos mo Nwì, ye də yi rìŋ də bum yè'sə yà'a zìnə.

<sup>11</sup> ɲwè nè yi ka-a yusè Nwì cèp yè'sə dzəm, ye də yi sə duk yà'sə də Nwii ɲgà cì' mvwès, bùusè yi ka yusè Nwì cèp bə tu mo ye sə dzəm. Yusè Nwì a tsè' fa ves sə, a də yi a fa ves lùŋ nè nà'a nè kà mè. Lùŋ nè nà'a nè kà mè nə, nà'a ndzə bohòmo ye Jisòs.

<sup>12</sup> Ncèp ènə jəja də, ɲwè nè yi tse'-a mo Nwì, ye də yi tse' lùŋ nə. ɲwè nè yi ka mo Nwì tse', ye də yi ka lùŋ ànə sə tse' lok.

*NgòKè Mèsə Lòo*

13 Mù com fa wen sè wèŋ a dzəm liŋ mo Nwì bum yè'sə, ya nga wèen riŋ də wèŋ tse' lùŋ nè nà'a nè kà mè nè.

14 Yè'e yusə vesùwèŋ rì sə də, a ye-a nga vesùwèŋ fek yi yumok nga yà' kùrə-a yi ve'nə fana yi yuk fa ves yà'.

15 A ye-a də yi yukgè ves ghà nè vesùwèen cèpgè bohòyi pwe'fo', fana aco a riŋ sè' də yusə a fek-a yi lònŋ, ye də a tse' yà' laŋ.

16 A ye-a nga ŋwè nəmòk kè tseŋ moma ye nè ndzə ni'ì Jisòs nga nà' sə gù bɸp, fana yi leŋ fa nà' piriya, nga bɸp nè yi gù nè ka-a nsàp nè co nà' jə vè fa nà' kɸu yeŋ nè. Yi leŋ-a ve'nə, Nwì nè fa li moma ye ànə lùŋ. Tse'nga bɸp nè yi gù nè nsàp nè nà'a jə fa vègè ŋwè kɸu nà'a. Bɸp mòok nè ŋwèe gu nà', nà' jəŋ və fa yi kɸu. Mù ka də ŋwè nè yi gù-a nsàp bɸp ànə, wèŋ leŋ də Nwì fa nsàp ŋwè ànə lùŋ dək.

17 Bɸp pwe'fo' mègù bɸp, megu də bɸp mook sè ŋwèe gù-a yà', yà' kà yi kɸu jə vè fa.

### *Ncèp Nè NgòLəsə*

18 Vesùwèŋ rì tse' də, ŋwè nè yi ye-a mo Nwì fana yi kà bɸp sə gùhù. A ve'nə bùusè mo Nwì gùmsəgè yi ya nga Satà kà mandzè nè ŋgòjwèŋ yi tse'.

19 Vesùwèŋ rì yàvès də vesùwèen bwe Nwì. Nzeŋgòn nè pwe'fo' cu ndzə bohòSatà.

20 Vesùwèŋ rì də mo Nwì a vè sə nzeŋgòn fèeŋ ŋgògù də vesùwèŋ rɛeŋ bum ya nga vesùwèen riŋ Nwì nè zinə nè. Mvè'nə a ves mo ye Jisos Krèst mvwe' mò'fis fana vesùwèen mvwe' mò'fis

ves Nwì nè zìnə nə. Jisòos Nwì nè zìnə nə. Yi tse' lùŋ nè nà'a nè kà mè nə.

<sup>21</sup> Bwe am wèŋ, wèeŋ jə ŋkərè bə tu awèŋ ya kà də wèeŋ nonşə yumok sè zok sə ntæ̀ wèŋ co Nwì dək.

**Nwàk Nwì Ma Rùk Nè Fi**  
**New Testament in Yamba**

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 18 Apr 2025 from source  
files dated 29 Jan 2022

c475d5b3-da44-51cf-93ca-f255b72fe481